



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij  
in Regno Sicil. Consultoris, Practicæ Resolutiones  
Lectissimorum Casuum**

**Diana, Antonino**

**Antverpiæ, 1645**

Beneficium.

**urn:nbn:de:hbz:466:1-41753**

id recusare. 4. vt supremus Princeps reipub læsæ causa cognita concedat facultatem capiendi repressalia. 5. vt non inferatur plus damni, quàm necesse sit ad iustam satisfactionem. 6. vt non cōcedantur in personas Ecclesiasticas. Molin. & alij 18. *ibid. ref. 72.*

*Beneficium.*

**L**icet ex privilegio concedi possit per Papam collatio beneficiorum Principi laico: nullâ tamen consuetudine, aut præscriptione etiam immemorabili, acquiri potest. Tuschus & alij p. 3. *tr. 1. ref. 65.*

2 Cardinales quando sunt in Vrbe, habent potestatem conferendi beneficia in suis titulis. Barbos. & alij 4. Itē recipiendi resignationes beneficiorum in illis existentium. Paris. Eorum verò familiarium beneficia per obitum vacantia non conferuntur etiam à Papa, sine consensu Cardinalis patroni. Barbos. & alij 3. p. 5. *tr. 2. ref. 13. 14. & 41.*

3 Cardinales possunt conferre beneficia episcopatum resignatorum, quamdiu resignatarius nondum adiuit possessionem: aut antè quàm ipsi possessionem habeant episcopatum ad quos assumpti sunt; quia Episcopus electus potest

potest exercere quæ sunt iurisdictionis.  
 Germon *ibid. ref. 44. & 45.*

4 Patronus laicus, non tenetur sub peccato mortali præsentare digniorē, etiam quoad beneficia curata, quia Concil. Trid. *sess. 14. de reform. c. 28.* non adstringit patronum laicum ad præsentandum digniorem. Garfias & alij 7. *p. 2. tr. 15. ref. 37.*

5 Præsentatio ad beneficium facta à patrono laico excommunicato valida est, non tenetur tamen Episcopus eam admittere, imò nec potest, cum sit illicita. Villalob. & alij. *p. 5. tr. 9. ref. 105.*

6 In dubio an beneficium sit curatū, an simplex, præsumitur simplex: quia ad curatum multæ requiruntur qualitates, quæ proinde præsumi non debent, nisi probetur. Gutierrez & alij 2. *p. 4. tr. 3. ref. 74.*

7 Omnia beneficia quæ curam animarum non habent, possunt conferri dignis, prætermittis dignioribus: Concil. enim Trid. sola Episcopalia, & curata decernit dignioribus esse conferenda. Garfias & alij 3. *p. 2. tract. 15. ref. 38.*

8 Episcopatus, & alia beneficia curata, si in concursu competitorum non cōferantur dignioribus, violatur iustitia  
 distri-

distributiva. D. Thom. & alij 14. *ibid.*  
*ref.* 40. Dari tamen hic materiam par-  
 uam ex eo, quod exiguus sit excessus  
 docet Sotus & alij 4. sed alij negant.  
 Turrian *p.* 5. *tr.* 5. *ref.* 13. Imò peccatur et-  
 iam contra iustitiam commutativam  
 ortam ex illo quasi contractu proue-  
 niente ex propositione, edicti de cōcur-  
 su, ac propterea tunc eligentes minus  
 dignum, tenentur ad restitutionem.  
 Vasq & alij 3. Quamuis contrarium et-  
 iam sit probabile ex Nauarro & aliis 3.  
*p.* 4. *tr.* 4. *ref.* 210. Qui verò ius habent  
 conferendi beneficia per provisionem  
 liberam, vt Reges, & Sum. Pontif. non  
 tenentur eligere digniores, nisi sint in  
 promptu, sed sufficit si eligant dignos,  
 & Prælati tenentur hos acceptare. Re-  
 gin. & Sanch. *ibid.* *resol.* 170. & *p.* 2. *tr.* 15.  
*ref.* 40. Qui verò resignat, potest resi-  
 gnare digno cui voluerit; hic enim nul-  
 lus est concursus, & collator acquies-  
 cendo resignationi non peccabit. Les-  
 sius & alij 6. *p.* 2. *tr.* 15. *ref.* 41.

9 Collatio beneficij facta suspensio, vel  
 interdicto nō est inualida. (Less.) neque  
 eius acceptatio ab excommunicato,  
 modò tēpore electionis, & collationis  
 non fuerit excommunicatus. Vasq. &  
 alij

alij 6. quia iura solam electionem, & collationem irritant: quamvis hinc etiam eximat toleratos Hurtael. An idem sit quando tempore electionis, & presentationis erat excommunicatus, sed absolutus est ante acceptationem, non est ita certum, sed affirmant Henric. & Couarr. *p. 5. tract. 9. res. 100. 99. & 102. & p. 4. tr. 4. res. 56.*

10 Excommunicatum non esse incapax pensionis quæcumque illa sit, ac propterea validè illi consignari docent quidam. Auila & alij 2. sed contrarium est probabilius. Suar. Vasq. & alij 8. *p. 4. tr. 4. res. 55 & p. 5. tr. 9. res. 103.*

11 Cui inualidè propter excommunicationem collatum est beneficium, post absolutionem tum huius impedimenti, tum eius quod incurrit acceptado, potest sine nouâ collatione illud retinere, modò impedimentum sit occultum, nec in vllius cedat præiudicium qui simul fortè fuit electus. Sanch. & alij 2. *p. 5. tr. 9. res. 101.*

12 Electio ad beneficium excommunicati excommunicatione minori non est irritanda, si electores illam ignorarint. Auila. Imò scienter talem eligentes non propterea priuantur voce. Gord.

&

& Bonon. *ibid.* ref. 132.

13 Beneficiarius si incidat in excommunic. non priuatur eo ipso fructibus beneficij ante sententiam, & per consequ. nihil tenetur restituere modò exequatur onera & officia beneficij. Vasq. & alij 6. *ibid.* ref. 104. & p. 4. tr. 4. ref. 54.

14 Resignatio beneficij ab excommunicato facta in fauorem tertij, valida est. Turrian. si tamen esset non toleratus esset inualida; quia non spectat ad iurisdictionem. Filliuc p. 5. tr. 9. ref. 106.

15 Episcopi resignata in manibus suis beneficia possunt conferre etiam suis, vel resignantis consanguineis: nam Bulla Pij V. recepta non videtur. Barbosa & alij 3. *ibid.* tr. 14. ref. 26.

16 Licet Episcopus nequeat pensionem reservare super beneficio; ex causa tamen iustâ, maximè pro bono pacis, potest illam imponere. Nauar. & alij 4. Imò & in permutatione beneficiorum potest inæqualitas fructuum, ex consensu Ordinarij, per impositionem pensionis compensari. Nauar. & alij 2 p. 6. tr. 8. ref. 17.

17 Ecclesiastici valdè nobiles, aut insignis eruditionis, ceteris paribus, possunt plus aliis minùs nobilibus, aut minùs

minùs doctis infumere ex redditibus Ecclesiæ: debent tamen sumptus esse moderati, vt non excedant decentem Ecclesiasticorum modestiam. Vnde sequitur Principum filios non posse tantum expendere de bonis Episcopatus, quantum possent de bonis patrimonialibus; nam alia sustentatio conueniens est Principi sæculari, alia Ecclesiastico. Molina & Coninck. p. 2. tr. 16. ref. 24.

18 Qui beneficij Ecclesiastici collatorem determinatum ad conferendum alteri, precibus, vel muneribus inducit vt sibi, vel amico minùs digno conferat, non tenetur ad restitutionem: quia relinquit collatorem in suâ libertate: neque facit iniuriam alteri, etiamsi ex odio id faciat; quia odium non est cõtra iustitiam, sed contra caritatem. Lessius & alij 7 p. 3. tr. 5. ref. 53.

19 Qui se agnoscit minùs dignum, potest se offerre ad beneficium, relinquendo totum iudicium collatori, secundùm Lessium; quod magis valet in dubio de digniori. Si autem in concursu eligatur, prætermisso digniori, potest beneficium, aut cathedram acceptare. Turrian. & Sotus. Ceterùm in concursu potest aliquando eligi dignus, relicto  
di-

- digniori. 1. Si dignior est extraneus. 2. Si minùs dignus est acceptior. 3. Si dignior est implicatus negotiis externis. 4. Si est periculum ne eligatur indignus. 5. Si minùs dignus sit magis expertus. Item Patronus laicus potest præsentare minùs dignum, relicto digniore. Lessius & alij 6. Examinatores autem non tenentur indicare digniorem, nisi Episcopus id postulet, vt faciat electionem Ecclesiæ vtillioem. Gasias & alij 4. *ibid. res. 10. & 11.*
- 20 Examinatores si præmoneant examinandos de punctis petendis, peccant mortaliter, quando id cedit in præiudicium tertij, vt quando fit in cõcursu pro beneficio. Rodriq p 5. tr. 14. res. 89.
- 21 Ad obtinendum simplex beneficium, sufficit annum 14. esse inchoatum. Azor. & alij 5. p. 3. tr. 6. res. 64.
- 22 Electus ad Cardinalatum non amittit priora beneficia, nisi sint inferiora, & quæ dignitati illi repugnent, vt Archidiaconatus, decanatus, canonicatus, &c. p. 5. tr. 2. res. 11.
- 23 Cardinales possunt habere plura beneficia, aut saltem est causa cur Pontifex ipsis hoc concedat. Azor. & alij. *ibid. res. 41.*